

道派

大道淵源始於老子一傳尹文始五傳而至三丰先生雖然老子之所傳亦甚多矣其間傑出者尹文始王少陽支分派別各有傳人今特就文始言之文始傳麻衣麻衣傳希夷希夷傳火龍火龍傳三丰或以爲隱仙派者文始隱關令隱太白麻衣隱石堂隱黃山希夷隱太華火龍隱終南先生隱武當此隱派之說也夫神仙無不能隱而此派更爲高隱孔子曰老子其猶龍乎言其深隱莫測也故又稱猶龍派云

按老子之道文始派最高少陽派最大少陽傳正陽正陽傳純陽純陽首傳王重陽重陽傳邱長春開北派純陽又傳劉海蟾道藏輯要  
三丰全集 派攷記  
三 續畢集七  
X川文  
海蟾傳張紫陽開南派

再按文始一派至麻衣而傳希夷少陽一派劉海蟾亦以丹法傳希夷兩派於斯一滙是三丰先生謂爲文始派也可謂爲少陽派也亦可特其清風高節終與麻衣希夷火龍相近云

前歷祖傳

太上老君其詳不可得聞累世化身未有誕生之跡嘗與文始言吾姓字渺渺從劫至劫不可具述非虛語也逮商陽甲時分神化烝始寄胎於玄妙玉女八十一年至武丁庚辰歲二月十五日卯時降生在苦縣之賴鄉曲人里李樹下指李爲姓名耳字伯陽生時白首人號爲老子又長耳復稱老聃周初觀風西

岐自號支邑先生西伯欲拜為大夫不受命為守藏史遂借隱焉其後或隱柱下或隱河上或號為古先生或自為古皇或為伯陽父或為廣成子或結廬於河濱或開化於西域秦時稱古隱君子而不知太上老祖實隱中聖人也

文始先生姓宓名喜字公文天水人一云成紀人成王丁巳歲四月初八日吉時降生不求聞達嘗為函關令故稱關尹喜一

日遇融風三至精占風紫氣東來精望氣夜觀天理星西行過昴精天

文知有聖人將至老君到關望其神采大驚精相法拜為弟子得

聞大道著書九篇名關尹子後曰文始經西度流沙復還中夏或稱尹輒或稱尹道士隱居終南之陰人稱為終南隱聖

道藏輯要 三才全集 派攷記 西 續畢集七

麻衣先生姓李名和道號初陽內鄉人隱石堂山生而神奇紺髮美姿稍長厭世濁腐人終南靜養遇尹文始傳以道要並相法命往南陽湍水旁靈堂山修煉洞居十九年冬夏恆著麻衣故號為麻衣子靈山有水四時常溫名暘谷時往沐浴一夕有少年十二人來拜曰吾屬龍也上帝以師道成命吾等輔行大化自是有求雨者皆驗鄉民謁懇甚繁別隱歛之黃山即黟山人稱為黃山隱者

希夷先生姓陳名搏字圖南號扶搖子亳州真源人唐長興中嘗舉進士不第遂淡世情以山水為樂居武當二十餘年復隱華山雲臺觀得螭龍法每臥嘗百餘日不起遇海蟾授道要逢

麻衣子擁爐對坐以鐵筓畫灰成字默授玄機並以尹文始先生相法傳之高隱不出宋太祖時賜號白雲先生又賜號希夷先生史稱曰華山隱士

火龍先生希夷高弟子也隱其身並隱其姓名其里居不可考卽以天地爲里居也其事蹟不多著卽以潛德爲事蹟也神仙鑑亦只記其號狀其爲物外風儀此蓋如赤松黃石世只知爲古仙耳隱居終南故稱終南隱仙或曰賈得昇先生也俟博識者考之

三丰先生姓張名通字君實遼東懿州人詳見全集

後列仙傳

以下十一則藏居士考紀

道藏輯要

三丰全集 派攷記

五

續畢集七

三山先生姓沈名萬二一名萬山自號三山道士金陵人秦淮大漁戶心慈好施遇三丰先生得授丹法繼煉天元大藥服之拔宅而去或隱天目或隱武當皆無定所與三丰先生隱顯度世勅封宏願真人元天曆戊辰元年秋九月十八日未時誕生邱元靖者武當道士也洪武初三丰先生遊武當元靖與先生遇拜爲弟子遂傳以道妙命住五龍結菴修煉以了大事乙丑春太祖詔求三丰不得乃詔元靖至與語悅之拜監察御史賜之室不受復擢太常卿亦不受帝稱其清高云

太和四仙者盧秋雲周真得劉古泉楊善登皆楚人也洪武初三丰先生入武當結廬於展旗峯上四人請爲弟子遂傳以清